



II. ATALA BIZKAIKO LURRALDE HISTORIKOKO TOKI ADMINISTRAZIOA

Elorrioko Udala

Garabidean dauden herrialdeetan lankidetzak programak garatzen dituzten erakundeei (eta erakunde laguntzaile) diru-laguntzak emateko arauak ezartzen dituzten oinarri-arau espezifikoak. 2024.

1. Xedea

Oinarri-arau hauen xedea erakundeei diru-laguntzak emateko araubidea ezartzea da, garabiderako lankidetzak programak antolatu eta lortzeko, garatzeko bidean dauden herrialdeetako biztanleen baldintza sozio-ekonomikoak hobetze aldera.

Programa diru-laguntza jaso duen urtean edo hurrengoan gauza daiteke eta berezitasunak honako hauek izango dira:

- Garatzeko bidean dauden herrialdeetan egitea.
- Garapen ekonomiko-sozial orekatua bultzatzea haren helburuek edo zentratzea arlo hauetan, osasuna, hezkuntza, gizarte-laguntza, kultura, giza eta gizarteko eskubideak sustatzea, genero-ekitatea bultzatzea, demokraziaren balioen garapena, banakako eta taldekako askatasuna eta abar.
- Herritarrak oro har horien onurak jasotzea.
- Kultura inposaketarik ez egitea eta komunitate hartzailearen idiosinkrasia eta haren ingurumena errespetatzea.
- Herritarren ahalduntzea eta partizipazio aktiboa eta demokratikoa bultzatzea.

2. Onuradunak

Elorrioko Udalak ondoko hauei eman ahal izango dizkie diru-laguntzak:

Egoitza Elorrioren dute irabazi-asmorik gabeko erakunde eta elkarteek Eusko Jaurlaritzan behar bezala erregistratuta egon beharko dute, eta beren estatutuetan eta funtzionamenduan ez dute jarrera diskriminatzailearik izango arrazoi politiko edo ideologikoenatik, erlijiosoengatik, sexuagatik edo adinagatik. Gainera, erakunde horien jarduerak bat etorri beharko dute deialdi honen xedearekin.

Lehen azaldutakoaren kaltetan gabe, dirulaguntzak eman ahal izango dira irabazi-asmorik gabeko elkarteek aurkeztutako lankidetzak proiektuetarako, eta aurreko paragrafoan adierazten den baldintza bete ez denean, baina proiektuaren barruko ekintzak garapenerako lankidetzaren barruan, garapen bidean dauden herrietako herritarren baldintza sozioekonomikoak hobetzera bideratuta daudenean, betiere elkarte horiek dagokien elkartearen erregistroan inskribatuta badaude, eta haien estatutuek eta funtzionamenduak ez badute diskriminazio-jarrerarik izango arrazoi politiko edo ideologikoenatik, erlijiosoengatik, sexuagatik edo adinagatik.

Nolanahi ere, onuradunak ez dira sartuko Dirulaguntzei buruzko 38/2003 Lege Orokorraren 13. artikuluan eta Dirulaguntzei buruzko Udal Ordenantza Orokorraren 10. artikuluan jasotako inguruabar eragozleetan.

Martxoaren 16koa 1/2023 Legegintzako Dekretuak, Emakumeen eta Gizonen berdintasunerako eta Emakumeen Aurkako Indarkeria Matxistatik gabe Bizitzeko Legearen testu bategina onartzen duenak, 2.4. artikuluan ezartzen du dirulaguntzen onuradun direnek 3. artikulua (printzipio orokorrak), 17.a (estatistikak eta azterlanak) eta 19.4.a (hizkera inklusiboa eta ez-sexista) bete behar dutela, udalaren eta onuradunen arteko erlazioari dagokion denboran eta gaian.

Zehazki, onuradunek honako betebeharrak izango dituzte:

- Diruz lagundutako jarduera orok komunikazio inklusiboa erabiltzea, non ez diren erabiliko pertsonak sexu, genero, jatorri edo bestelakoengatik umiliatu, degradatu edo estereotipatzen dituzten irudiak edo idatzizko edozein komunikazio-elementu.



Berdintasuna eta pertsonen aniztasuna irudikatzen dituzten irudiak eta hizkuntza bultzatuko dira.

- Memoretan, hala badagokio, onuradunen gutxi gorabeherako kopurua eta generoa bereiztea; baita beraien profila ere: gazteak, adinekoak, aniztasun funtzionaleko pertsonak...
- Erabiliko den material guztietan estereotipo sexistak edo emakumeak diskriminatzeko adierazpenik ez agertzea.
- Sexu-jazarpena, sexuan oinarritutako jazarpena eta jokaera transhomofobikoa saihesteko eta arreta egiteko neurriak izatea.

Dagokionean, dirulaguntzak jaso dituen proiektu orok genero-ikuspegia aintzat hartzea proiektuaren fase guztietan.

Honako hauek debekatuta izango dute onuradun izatea:

- Dirulaguntzei buruzko 38/2003 Lege Orokorraren 13. artikuluan eta Dirulaguntzei buruzko Udal Ordenantza Orokorraren 10. artikuluan jasotako inguruabar eragozleak daudenak.
- Ezingo dira onuradun izan administrazio-bidean, lan-bidean edo zigor-bidean berdintasun-eskubidea urratzeagatik eta sexuan oinarritutako bereizkeriari egiteagatik zehazpen irmoa jaso duten pertsona edo entitateak.

Martxoaren 16ko 1/2023 Legegintzako Dekretuak, Emakumeen eta Gizonen Berdintasunerako eta Emakumeen Aurkako Indarkeria Matxistatik gabe Bizitzeko Legearen testuategina onartzen duenak eta martxoaren 22ko 3/2007 Lege Organikoak, Emakumeen eta gizonen berdintasun eragingarrikoak, xedatzen dituzten betebeharrak betetzen ez dituztenak.

Dirulaguntza edo laguntza publikoak eskuratzea eragozten duen zehapen penal edo administratiboa izatea, edo horretarako ezgaitzen duen legezko debekuren baten eraginpean egotea, Martxoaren 16ko 1/2023 Legegintzako Dekretuaren, Emakumeen eta Gizonen Berdintasunerako eta Emakumeen Aurkako Indarkeria Matxistatik gabe Bizitzeko Legearen testuategina onartzen duenaren edo Emakumeen eta Gizonen Berdintasunerako martxoaren 22ko 3/2007 Lege Organikoaren arabera sexuaren ziozko bereizkerian erortzeagatik gertatutakoak barne.

Kideak aukeratzeko prozesuan edo lan-jardueran sexuan oinarrituta diskriminatzen duten elkarteak edo erakundeak.

Berriaz deialdi honetatik kanpo geratuko dira: administrazio publikoaren mendeko erakundeak eta zerbitzuak, eta aurrezki kutxak.

3. Epeak eta aurkeztu behar den dokumentazioa

Eskariak aurkezteko epea:

2024ko maiatzaren 31ra arte.

Eskaerak (I. eranskina) elektronikoki aurkeztuko dira Udalaren plataforma elektronikoren bidez (www.elorrio.eus), urriaren 1eko 39/2015 Legearen 14.2 artikuluan ezarritakoaren arabera.

Eskariak ebazteko: Udalak sei hilabete baino lehen egin beharko du instrukzioa eta erabakia eman.

Ordenantza orokorretako 27. artikuluan eskatzen den dokumentazio orokorra aurkeztuko dituzte erakunde interesdunek:

- a) Identifikazio fiskaleko kode zenbakia.
- b) Egin beharreko programaren edo jardueraren proiektu xehekatua.
- c) Sarreraren eta gastuen aurrekontu banakatua.
- d) Dagokionean, egiteko tokiak eta egunak.
- e) Parte hartuko duten edo onuradunen gutxi gorabeherako kopurua; eta beraien profila: gazteak, adinekoak, andrazkoak, aniztasun funtzionaleko pertsonak...



Edozelan ere, aurkeztu diren proiektuen memoriak ondoko alderdi hauek jaso behar-ko ditu:

- Garabiderako Lankidetzaren eremuan eta Sentsibilizazio eremuan duen esperientziari buruzko memoria laburra, bertan, besteak beste, proiektua aurrera eramateko hango elkarte arduradunaren esperientzia adieraziko da, beti ere eskatzailea hango hura ez bada.

Garabiderako lankidetzaren proiektu bat aurkeztuz gero, Memorian honakoak adierazi behar dira: non eta zer eremutan garatzen den eta zein herritarri bideratua den -ahal den neurrian leku horretako mapa bat erantsiko da-, bestetik, baliabideen zerrenda, aurrekontu orokorra, zenbat eskatzen den eta nola justifikatuko den ere jaso behar du.

Adierazpena, non-eta jasoko duen onartutako proiektuaren kostu osoaren eta eman-dako diru-laguntzaren artean zuzenean edo beste batzuek finantzatu dutelako dagoen aldea aportatzeko konpromisoa.

Zinpeko adierazpena edo agiria Ogasun Sailean eta Gizarte Segurantzaren zorrorik ez duela egiaztatzen duena, eta xede bera finantzatzeko beste entitate edo erakunde batzuei eskatutako edo eskatzea aurreikusi diren diru-laguntzak zeintzuk diren zehaztuko direnean, hau da: erakundearen izena eta jasotako diru-laguntza edo eskatutakoa. (II. Eranskina).

Eskaera egitean eskatzaileak oinarri hauek eta deialdia baldintza barik onartzen ditu, eta baimena ematen dio Elorrioko Udalari beharrezko egiaztapenak egiteko.

4. Izapidetzeaz arduratzen den administrazio unitatea

Gizarte Politikak arloko administrazio unitateak izapidetuko ditu eskabideak.

5. Bateragarritasuna

Diru-laguntza hauek, helburu bera duten beste administrazio edo ente publiko edo pribatu, nazionala edo Europakoak, edo nazioarteko beste erakunde batzuetako beste diru-laguntza, laguntza, diru-sarrera edo baliabide batzuekin bateragarriak dira, ez bada diru-laguntzen berezitasunetarikoa bat, bateragarria ez izatea. Edozein modutan, diru-laguntza inoiz ez da izango diruz laguntzen den proiektuaren gastua baino handiagoa.

6. Publizitatea

Elkarte onuradunek Elorrioko Udaletik jasotako diru-laguntzaren publizitatea egingo dute uztailaren 21eko 887/2006 EDak, azaroaren 17ko 38/2003 Diru-laguntzen Lege Orokorra garatzen duen Erregelamenduak, aurreikusten duenari jarraituz.

Horretarako, Onuradunek honela emango dute Udalaren diru-laguntza jaso izanaren berri:

- Kartel eta eskuorrietan: Udalaren eskudoa agertuko da ekimenaren babesle dela adieraziz.
- Elkarrizketa, aurkezpen edota beste edozein agerraldi publikotan ere ekimenak Udalaren diru-laguntza jaso duela aipatu behar da, agerpen hori ahozkoa zein idatzizkoa izanda ere.

Halaber, euskara bermatuta egongo den, Elorrioko Udalaren euskararen ordenantzak aurreikusten duena jarraituz.

Ez da hizkera sexista erabiliko edo generoa dela eta estereotipatutako irudiak, eta komunikazio elementuak erabiliko dira gizonen eta andren arteko berdintasuna bultzatzeko.

Betebeharrak:

- Diruz lagundutako jarduera orok komunikazio inklusibo erabiliko du, non ez diren erabiliko pertsonak sexu, genero, jatorri edo bestelakoengatik umiliatu, degradatu edo estereotipatzen dituzten irudiak edo idatzizko edozein komunikazio-elementu. Pertsonen aniztasuna eta berdintasuna irudikatzen duten irudiak eta hizkuntza bultzatuko dira.

**7. Eskabideak baloratzeko irizpideak**

Prozedura norgehiagokakoa izango da.

Oinarri-arau hauetan arautzen diren laguntzak kalkulatzeko ondoko irizpide hauek aplikatuko dira, atal bakoitzean jarraian jasotzen den puntuazioarekin:

7.1. Elkarte eskatzaileari dagokionez: 25 puntu arte

Esperientzia kontrastatua laguntza eta gaitasun arloan, proiekturako beste erakunde batzuen finantzaketa lortzeko eta baliabide pribatuak lortzeko.

Proiektua kudeatzeko ahalmena, dauzkan giza baliabideak eta tokiko, estatuko eta nazioarteko beste erakunde edo entitate batzuekin dituen harremanak.

Elorriko bazkide diren pertsonen kopurua, sexuaren arabera banakatuta.

7.2. Proiektuari dagokionez: 45 puntu arte**A) Proiektua aurkezteari eta haren edukiari dagokienez**

- Proiektuari buruzko informazioa: testuinguru geografikoa, politikoa eta soziala ematea.
- Koherentzia izatea honako hauen artean: ekintzaren justifikazioa, ezarritako helburuak, proposatutako jarduerak eta behar diren baliabideak.
- Egin behar den ekintzaren bideragarritasun teknikoa (atal honi buruzko informazioa ezinbestekoa da produkzio- eta azpiegitura- proiektuetarako).
- Proiektuaren iraunkortasuna epe luzean, diruz lagundutako ekintza egin eta gero.

B) Egileen gaitasunari eta haien harremanen kalitateari dagokienez

- Proiektua aurrera eramateko hango elkarte arduradunaren esperientzia eta gaitasuna, eta afektatutako biztanleekin duen lotura.
- Erakunde eskatzailearen esperientzia, kudeaketarako gaitasuna eta jarraipena.
- Biztanle hartzaileek aktiboki parte hartzeko duten gaitasuna proiektuaren proposamenean, bai eta beronen exekuzioan, garapenean eta ebaluazioan ere. Beraien profila deskribatuz, eta ahal denean, sexuaren arabera banakatuta.

7.3. Proiektuaren helburu sozialei dagokienez: 20 puntu arte

- Giza eskubideak errespetatzen dituzten balio demokratikoak bultzatzea.
- Eragindako biztanleen kultura eta balio etnikoak bultzatu eta errespetatzea, bai eta jardun eremuaren aberastasun naturala eta balio ekologikoa bultzatu eta errespetatzea, ezelako kalte ekologikorik sortu barik.
- Proiektuak eragindako biztanleen partizipazioarekin egitea eta partizipazio aktiboa bultzatzea, Genero ikuspuntua kontuan hartuta.
- Gizarte egoera ahulena bizi duen biztanleriaren gizarteratze aktiborako neurriak neurriak kontuan izatea, Genero ikuspuntua kontuan hartuta.

7.4. Proiektuaren identifikazioari dagokionez: 10 puntu arte

- Elorriko bizilagunen inplikazioa egotea beronen elaborazioan, garapenean eta ebaluazioan.
- Planteatutako ekintza lehendik onartutako proiektu baten jarraipena izatea.

7.5. Eskatu daitekeen gutxieneko puntuazioa

Edozelan ere, programa honetan aurreikusten diren laguntzak lortzeko, gutxienez 50 puntu lortu behar dute aurkezten diren proiektuek.

**8. Prozedura: instrukzioa eta erabaki**

Eskabideak aurkezteko epea amaitu ondoren, aurkeztutako dokumentazioa egiaztatuko du idazkaritza-arloak, eta eskatzaileei hamar eguneko epea emango die atzemandako gabeziak zuzentzeko. Hala egin ezean, eskaeran atzera egin dutela ulertuko da.

Dirulaguntzen instrukzio-organoak genero-parekotasuna izango du. Ordezkaritza orekatutzat joko da lau baino gehiagoko organoetan sexu bakoitzeko pertsonak gutxienez %40ko ordezkaritza dutenean. Gainerakoetan, betiere pertsona bakarrekoa ez bada, bi sexuetakoko pertsonak ordezkatzuta daudenean.

Prozedura norgehiagokakoa izango da.

Eskabide-orriak aurkezteko epea itxi ondoren idazkaritza arloko zerbitzu teknikoek aurkeztutako eskabide-orriak eta agiriak aztertuko dituzte eta hasierako balorazioa egingo dute. Balorazio hori Berdintasuna eta Gizarte Politikarako Informazio Batzordeak txostena ikusi ondoren, diktaminatu egingo du eta Tokiko Gobernu Batzarrerara bialduko du, honek erabakia hartzeko.

Prozeduraren gaineko erabakia hartzeko eta jakinarazpena egiteko epea ez da sei hilabete baino gehiago luzatuko. Gehienezko epe hau igaro bada erabakiaren gaineko bidezko jakinarazpenik barik, interesdunek ulertu beharko dute eskaera, administrazio-isilbidez, atzera bota dela.

Erabakiaren gaineko jakinarazpena interesdunei urriaren 1eko 39/2015 Legearen 40 artikulua eta hurrengoek aurreikusten dutena jarraituz egingo da. Hartutako erabakiak administrazio bideari amaiera emongo dio, eta erabakiaren kontra Udaleko alkatearen aurrean berraztertze errekurtsoa tartekatzeko aukera egongo da, edo baita zuzenean administrazioarekiko auzierrekurtsoa tartekatzeko Bilboko dagokion auzitegian. Guzti hori, urriaren 1eko 39/2015 Legearen 40. artikulua eta hurrengoek, eta administrazioarekiko auzien jurisdikzioa arautzen duen 29/1998 Legearen arabera.

9. Aurrekontua

Programa honen bidez deitutako diru-laguntzen zenbatekoa 31.500,00 eurokoa da, eta finantzatuko da 24.2300.480.04 – «Garapenerako diru-laguntzak» kontu sailaren kontura, dagoen zenbatekoa amaitu arte, eta, hala badagokio, zenbateko hori lortutako balorazioen arabera dauden eskaeren artean hainbanatu ahal izango da.

Halaber, partida horiek zenbateko gehigarri batekin hornitu ahal izango dira, dirulaguntzak emateari aplikatu dakiokeenarekin, baina horrek ez du beste deialdirik eskatzen.

Aipatu kontsignazio hori honela banatuko da:

- %15a bideratuko da, bakarrik, Hirugarren Munduan garapenarekin lotutako gaie-tan biztanleak sentsibilizatu, hezi eta prestatzeko programak finantzatzeko. Diru kopuru hori agortu ez eta erabiltzeko moduan nahikoa diru kopuru geratuz gero, Udalak erabakiko du egokia den ala ez herriko gobernuz kanpoko erakunde bat gonbidatzea Elorrioren bertan prestakuntza, sentsibilizazio edota eztabaida foro bat antola dezan, edo soberan dagoen kopurua garapenerako programen diru-laguntzarako den kontusailaren kopurura erantsiko duen.
- %85a Elorriokoak diren aipatutako irabazi asmorik gabeko Erakundeentzat izango da.

10. Justifikatzeko era eta epeak

Justifikazioa, Memoria ekonomiko bidez egingo da, egindako jardueren kostua zehaztuz eta honako agiri hauez osatua:

- Jarduerari dagozkion gastuen eta inbertsioen zerrenda sailkatua, hartzailea identifikatuta agertuko denean eta agiria, zenbatekoa, egin zeneko data, eta ordainduta badago, ordainketa-eguna. Dirulaguntza aurrekontu bati lotuta emon bada, desbiderapenak zeintzuk izan diren, desbiderapenik egon bada.



- Fakturen kopiak edo merkataritza-trafiko juridikoan froga balio bera duten edo administrazioaren aurrean eraginkortasuna duten bestelako agirien bidez, aurreko paragrafoan aipatu den zerrendan agertuko direnak, eta ordaindu izanaren agiria.
- Zerrenda bat diruz lagundutako jarduera finantzatzeko jasotako beste diru-sarrerara edo diru-laguntza batzuen informazioa zenbatekoa eta jatorria zehaztuz.

Justifikatzeko epeei dagokienez, eta diruz lagundutako proiektu bakoitzaren ezaugarrien arabera, akordioan bertan ezarriko du Udalak zer epemuga dagoen justifikatzeo; edonola ere, inongo kasuntan ezin izango du bi urteko epea gainditu, akordioaren jakinarazpena jasotzen den egunetik kontatzen hasita.

Diru-laguntza jasotzen duen erakundea erantzule bakarra izango da Elorrioko Udalaren aurrean diruz laguntzen den egintza zuzen egiteari buruz, eta egintza hasteari buruzko txostenak emango ditu.

Diru-laguntza jasotzen duen erakundeak txosten bat aurkeztuko du garatu duen egin-tzari buruz edo proiektua behin bukatu eta gero egin duen obrari buruz, beti ere diru-laguntza emateko akordioan ezarritako epemuga baino lehen.

Halaber, diru-laguntza jasotzen duen erakundeak informazioa emango du proiektua-ren garapenaren egoerari buruz, Udalak ezartzen duen jarraipen planaren arabera.

Bestalde, Udalak beharrezko iritziz gero, diruz lagundutako erakundeak berea den dokumentazio grafikoa eta idatzia nahiz bere langile eta bazkideena emango du, diruz lagundutako programari buruzkoa beti ere, zabalkunde eta sentsibilizazio lanetarako.

11. Ordaintzeko epea eta era

Diru-laguntza onartzean eta birformulaziorako aldia amaituta, onuradunei %80 ingre-satuko zaie. Gainontzeko %20 aurreko artikuluan zehazten den eran justifikazioa egin-dakoan kobratuko dute.

Parte hartuko duten edo onuradunen gutxi gorabeherako kopurua, sexua berezita; eta beraien profila: gazteak, adinekoak, aniztasun funtzionaleko pertsonak...

12. Diru-laguntzaren birformulazioa

Diru-laguntza jasotzen duten erakunde onuradunetako batek aldatu egin behar izanez gero ezinbestean diru-laguntzaren zertarakoa, Udal honi adierazi beharko dio gora-behera hori eta, aurreko komunikazioa egiten denetik bi hilabete baino luzeagoa izango ez den epe batean, helburu berria aurkeztu beharko du, diru-laguntza jasotzeko proiektu izangaiaren formatuarekin, eta oinarri-arauetako eskakizunetara egokituko da.

Proiektu moduan datorren diru-laguntzaren zertarako berria Tokiko Gobernu Batzar-rak aztertuko du eta berariaz onartu beharko du.

13. Datu-babesa

Elorrioko Udalak (aurrerantzean, «Udala»), IFZ: P-4803900-B, eta helbidea: Gernika-ko Arbola plaza 1 (48230), Elorrion (Bizkaia), emandako datu pertsonalak erabiliko ditu dirulaguntzen deialdi hau kudeatzeko. Tratamendu hori legitimatzen duen oinarria da Dirulaguntzei buruzko azaroaren 17ko 38/2003 Lege Orokorren eta Emakumeen aurkako Indarkeria Matxistatik Gabeko Emakumeen eta Gizonen berdintasunerako Legearen testu batgina onartzen duen martxoaren 16ko 1/2023 Legegintzako Dekretuaren ondoriozko legezko betebeharrak bat betetzea.

Datu horiek behar-beharrezkoak diren zerbitzuak ematen dituzten hirugarrenei baino ez zaizkie jakinaraziko, eta ez zaizkie hirugarrenei lagako, legezko betebeharra edo in-teres publikoa izan ezik.

Elorrioko Udalak datu pertsonalak gordeko ditu erantzukizunen bat eska dakiokkeen legezko epean.

Dirulaguntzen deialdi honetan eskatutako datuak behar-beharrezkoak dira lehen adierazitako helburua behar bezala lortzeko; beraz, datu horiek eman ezean, Udalak ezin izango du bermatu prozeduran behar bezala parte hartuko duenik.



Nolanahi ere, interesdunak datuetara iristeko, datuak zuzentzeko, ezabatzeko, aurka egiteko eta mugatzeko eskubideak baliatu ahal izango ditu, alkatea@elorrio.eus helbidera idatzizko eskaera bidaliz. Interesduna harremanetan jarri ahal izango da Udaleko Datuen Babeserako Ordezkariekin (DPO), helbide elektronikoa honetan: dpo@elorrio.eus Era berean, jakinarazten dizugu Datuak Babesteko Euskal Bulegoan erreklamazioa aurkezteko eskubidea duzula.

14. Klausula gehigarria

Oinarri espezifiko hauetan jasotzen diren gai guztietan, Diru-laguntzei buruzko Udal Ordenantzan, 38/2003 Diru-laguntzen Lege Orokorrean eta bat datozen gainontzeko lege arauetan ezarritakoa izango da aplikagarria

Elorrión, 2024ko martxoaren 1ean.—Alkatea, Julene Lazkano Zenitagoia